



Scanlan: Kompromis prihvatljiv svima je put za formiranje Vijeća ministara

Prvi zamjenik visokog predstavnika i supervizor za Brčko distrikt Michael Scanlan, sastao se danas sa predsjedavajućim Narodne skupštine Republike Srpske Nedeljkom Čubrilovićem i predsjednikom NDP-a Draganom Čavićem, u okviru redovnih posjeta Banjoj Luci s ciljem nastavka konsultacija i dijaloga.

Prvi zamjenik visokog predstavnika Scanlan je iskoristio priliku da sa sagovornicima razgovara o trenutnoj političkoj situaciji u Bosni i Hercegovini, uključujući i proces formiranja vlasti na državnom nivou.

“Pozivam bh. političke lidere da se fokusiraju na napore da pokrenu zemlju naprijed. Uspostava vlasti na državnom nivou od ključnog je značaja za napredak zemlje i provođenje neophodnih reformi. Ne treba propustiti priliku da se Vijeće ministara formira na osnovu kompromisa prihvatljivog svima,” rekao je Scanlan.